





第三三五册

四庫全書

●上海古籍出版社

本冊目次

御批歷代通鑑輯覽（二）

清傳 恆等奉敕撰……一

欽定四庫全書

史部

御批歷代通鑑輯覽

御製序
目錄

詳校官侍講王燕緒

編修臣張福履勛

總校官進士臣程嘉謨

校對官中書臣閔思毅

詹錄監生臣周升士

御製歷代通鑑輯覽序

編年之書莫備於

皇祖御批之資治通鑑綱目蓋是書集三編為一部自三皇以至元末明初振綱絜目謹予嚴奪足以昭萬世法戒為人君者不可不日手其帙而心其義也然

皇祖雖嘗挾精微徵辭旨著論百餘首亦惟析疑正陋垂教後世耳於其書則一仍厥舊無所筆削也故全書篇幅雖多而議論乃什倍於事實即如前編之中總論史論

欽定四庫全書

御製序

音釋辨疑考證紛不一家正編之中凡例發明書法考異集覽考證正誤質實濫觴益甚至於續編之作成於有明諸臣其時周禮沿尹起莘例作發明而廣義則出於張時泰效劉友益書法而為之者夫發明書法其於歷朝興革正統偏安之際已不能得執中之論而況效而為之者哉且以本朝之臣而紀其開國之事自不能不右本朝而左勝國此亦理之常也況三編中禮代崛起之際稱太祖而繫以我者不一而足亦非體例也故

命儒臣纂歷代通鑑輯覽一書盡去歷朝臣各私其君之習而歸之正自隆古以至本朝四千五百五十九年事實編為一部全書於凡正統偏安天命人心繫屬存亡必公必平惟嚴惟謹而無所容心曲徇於其間觀是書者凜天命之無常知統系之應守則所以教萬世之為君者即所以教萬世之為臣者也書中批論一依

皇祖

之例自述所見據事以書者十之三儒臣擬批者十之七而經筆刪塗乙者七之五即用其語弗點竄者亦七

欽定四庫全書

御製歷代通鑑輯覽

之二云

乾隆丁亥秋月御筆

御製觀通鑑輯覽至緒遂良貶潭州事嘉其忠悃輒效其體擬作

元舅與功臣由來不可誅草茅承顧託寧當惜殘軀忍視夷姜汚曲從政君誣國是太宗創臣忝名與徒叩首願還笏忤旨罪奚逋潭州被薄譴敢曰非其辜迴首望金門無言以嗟吁

欽定四庫全書

御製詩

御製書通鑑輯覽明崇禎甲申紀年事

通鑑輯覽將成司事者舉通鑑綱目三編之例於甲申歲敬大書順治元年分注崇禎十七年於下且凡勝朝事皆別書明而於李自成陷京師即繫以明亡余曰不可夫三編之例非述續編之例乎續續於元順帝二十七年即分注明年元主北奔而繫以元亡去至正二十八年為洪武元年且自順帝十五年明祖起兵之後於凡元政即別書元以示異雖臣各私其君之義也而朕欽定四庫全書

欽定四庫全書

御製文

實鄙之蓋以理責人者必先以理自處天下者天下之天下非一家之天下也言悖而出者亦悖而入居今之時貶亡明而尊本朝如明之元其誰曰不可然朕不為也通鑑輯覽之書非一時之書乃萬世之書於正統偏安之繫必公必平天命人心之嚮必嚴必謹且正編續編既一正其自視尊大之陋習而顧於本朝嬗代之際有所偏向是不有忍於心而貽來世之譏乎茲於甲申歲仍命大書崇禎十七年分書順治元年以列之即

李自成陷京師亦不遽書明亡而福王弘光元年亦令分注於下必俟次年福王於江寧被執而後書明亡夫福王設於江南能自立未嘗不可為南北朝如宋高宗之例也而奈其日即陷淫以致天命去而人心失是非開創者欲究我兵威而實守成者自失其神器也若夫唐王桂王窮竄邊隅苟延旦夕此正興宋之帝昺帝昀同例不可仍以正統屬之用以示萬世守成之主思天命人心之難謐凜凜乎惴惴乎保祖宗所貽留為臣民所繫屬而不欺謬恃書法之可有高下焉庶幾朕纂通鑑輯覽之本意或不失春秋大一統之義乎

欽定四庫全書

御製文

命通鑑輯覽附紀明唐桂二王事蹟論

甲申歲我國家既定鼎京師而明福王朱由崧為南京諸臣迎立改元首尾一載其後唐王朱聿鍵桂王朱由榔相繼稱號者又有十有餘年當時以其事涉本朝開創之初凡所紀年號例從笑削即朱璘之明紀輯畧亦以附三王紀年為浙江撫臣等所奏熾茲以搜訪遺籍外省奏進此書閱其體例非不尊崇本朝且無犯諱字跡徒以附紀明末三王自不宜在概禁之列前命編纂通

欽定四庫全書

上冊

鑑輯覽館臣請不錄福王事寔因念歷朝壇代之際進退予奪繫乎萬世公論若前代偏私袒徇之陋習以曲筆妄為高下朕定都之即如福王承其遺緒江山半壁疆域可憑使能立國自強未嘗不比於宋高宗之建炎南渡乃孱弱荒淫自貽顛覆而偏安之規模未失不可遽以亡國法絕之特命於崇禎末附紀福王年號仍用雙行分注而提綱則書明以為別至蕪湖被執始大書明亡蓋所以折衷至是務合乎人情天理之公也至

欽定四庫全書

上冊

於唐王桂王遁跡閩滇苟延殘喘不復成其為國正與宋末昱萬二王之流離海島者相類本不得等於福王之例是以輯覽內未經載入今思二王究為明室宗支與異姓僭竊者不同非偽託也且其始末雖無足道而奔竄事蹟亦多有可攷與其聽不知者私相傳述或致失實無稽轉不若為之約舉大凡俾知二王窮蹙情形不過如此更可以正傳聞之謬舛又其下諸臣以旅拒王師者向多以偽官目之然其間如白文選李定國等本獻賊義子反側無常彼在明已合稱賊稱偽自當準春秋書盜之例又如金堡等之五虎橫行把持國是者亦無足齒錄若其他各為其主始終不屈以至頂首捐軀者不一而足較宋末之文天祥陸秀夫定相彷彿雖混一之初兵威迅掃不得不行抗命之誅而諸人殞尾間闕有死無貳洵無愧人臣忠於所事之義迄今日久將遂泯沒朕甚憫之亦宜略為紀錄使之有傳於後設以為載筆有體則凡事涉二王者不妨直以彼字稱之

用存偏正之別而其臣則竟書為某王之某官某樂不必斥之為偽也明紀輯畧已命有司弛其禁而通鑑輯覽校刊將竣其令四庫全書館總裁詮叙唐桂二王本末別為附錄卷尾凡彼時仗節死義之人考訂事跡悉與備書朕將親為裁定宣付刊行俾讀者咸知朕大中至正未嘗有一毫私意偏倚其間而崇獎忠貞亦足以為世道人心之勸書成即以此諭同御製輯覽原序並冠卷端庶將來有所參考喻朕意焉

欽定四庫全書

上海

凡例

一歷代通鑑纂要本明正德間所輯其書做宋司

馬光舉要之例上自伏羲下迄元代凡九十有

二卷我

皇上幾餘省覽以編內採錄尚未精審

特勅重加訂正并增入明代事迹釐為一百十六卷發

凡起例皆經

總裁鑑定盡善盡美集史學之大成實足表裏六經準

欽定四庫全書

御製通鑑輯覽

式萬世

一朱子綱目及前編續編我

聖祖仁皇帝御批刊布昭如星日我

皇上聖學高深輯熙絕

武凡數千百年史策得失靡不條貫兼綜折衷美備臣等

以次屬稿追

呈仰蒙

親御丹毫詳加

論定其間折疑考異洞悉毫芒而大義所昭

微言特揭謹次第敬錄簡端用垂

至教

一年經事續提綱分目一依朱子綱目書法

一大書以提要分注以備言此綱目舊例也今提綱

綴目皆酌用大書取便觀覽具有事非一時而

牽連並及或格非至要而採摭堪資者則用小

字附書至注內有更須詮釋者空格以別本文

欽定四庫全書

新定四庫全書

務使眉目朗然無淆覩記

一表歲首年綱目第一要義高辛以前無甲子可

紀帝堯甲辰以後謹遵

聖祖仁皇帝御批綱目前編用邵子皇極經世書例編次

千支標於每年之上歷代倣此至唐虞稱載夏

稱歲商稱祀周以後稱年皆隨其代而書之

一劉昫陳桱通鑑外紀胡宏皇王大紀皆始於盤

古其說荒遠難稽金履祥通鑑前編始自唐堯

於上古事又多闕畧今以孔子繫易為斷肇始

庖羲不更遠溯遠古

一我

國家誕膺

符命朱果發祥瑞駟屢臻昭燦今古

太祖高皇帝肇興大業

太宗文皇帝嗣炳鴻模凡偉烈豐功事關明紀者自宜登

諸簡策用昭

欽定四庫全書

新定四庫全書

典運之隆今並恭依

實錄敬謹纂輯

一尚書備稱祀載春秋首紀春王統事表年實史

家大法是書於歷代紀年之際大書分注進退

攸關皆仰稟

聖謨權衡允協其有未改歲而事涉兩朝者則並用一

年兩系之例以存其統至附庸小國歲首不書

年號惟嗣位改元乃一書

一正統偏安之辨其界最嚴前史每以興代而紀載前朝因多徇徇若續綱目於宋元明之際更屬不公瀛國既執而猶以宋紀年順帝未亡而即標明國號任意低昂適足貽識者者今自景炎而後至正以前皆恪奉

宸裁統歸元紀至於明之崇禎十七年明統尚存亦用大書紀歲而福王事蹟並遵

旨採輯附書明紀大公至正曠古無倫謹於卷內恭錄

欽定四庫全書

御製文苑英華

御製文苑英華卷首以昭定論

一凡立綱書法褒貶攸關仰蒙

睿鑒精詳折衷至當大義炳然如賈充褚淵等之書死

狄仁傑之書周唐肅宗之書太子徐壽輝之書

害並以變文示義

特筆所垂發千古未發之隱洵足微顯闡幽永彰法戒

一綱目始於周威烈王之二十三年前編亦止於是

年二書起訖之際自當區分明晰今於初命晉

晉大夫一條另標卷首以還二書之舊

一史法固宜簡要而紀載貴實詳明今自三代以前皆上本六經旁稽諸子秦漢而後事迹滋繁從本史以迄外乘稗官無不博採彙參以衷至是其或異同互見之處並加案語考定弗蹈兩岐

一綱目凡創凡命官惟宰相皆書餘官非有故不

書今酌用其創凡宰臣之拜免及卒皆書其非

欽定四庫全書

御製文苑英華

有事跡顯然者則於他條互見若非宰相而用舍

有關國是者則以特書例書之

一前史措詞類多失實而南北區分之會則彼此

互相指斥尤舛至公如五代晉之於遼南宋之

於金於元皆嘗稱臣稱姪而交兵構釁猶以入

寇書之於情義實為未協今並恪遵

指示酌量改定書法悉去偏私以歸至正

一綱目一書乃朱子門人纂集紀年系月舛誤尚

多至續綱目所載尤為踈畧失當如分夔離不蕭
幹為二人之類踈駁疊見考證難資今依据正
史博稽羣籍悉正牴牾之舊以臻完善之觀
一凡輿地名目悉按現在郡邑沿革注具大畧具
有謬誤相沿之處仍行校正不使異義少滋至
於

本朝聲教四訖遐方絕域盡入版圖如河有重源足
證都實傳聞之誤實為得諸目觀一破羣盲今
欽定四庫全書

並詳加按語用以垂信方來

一凡卷內所見人名字里並依本傳詳注其有本
史未立傳者則為旁採諸書俾無滲漏至或有
一人而異名及數人而同名者亦悉分晰證明
以資考核

一金元二史出自後代儒臣之手大抵音譯失宜
非舛滋甚歷蒙

指示以國語及蒙古語證合本音本義無不確合近又

命喀爾喀親王成衮札布

進所藏蒙古源流一書堪以互為考證今並遵

旨詳加譯改仍於初見處注明舊作某某字樣俾開卷

了然足資考据

一唐宋而後野史漸夥增飾流傳殊難依據若宋
太祖之斧聲燭影明惠宗之遜國出亡等事異
說滋多尤當剖晰是非以昭定論今並隨文駁
正勿使滋惑傳聞致乖大義

欽定四庫全書

一凡一事而首尾相距頗遠者綱目於前後皆為

立綱雖起訖自明而檢尋未易今皆量其事之

本末酌行總敘或於初見一條備言其終或於

最後一條追敘其始仍用先是至是及初字尋

字等文分別紀錄眉清目朗庶覺貫串非難

一綱目定例書月不書日今仍其舊惟日食則仍

系日其或有事迹紛冗必須詳載于文次序方

能明了者則亦於目內書日以別之

一先儒論斷其醇正可取者間加甄錄具載姓名
具採於本史者則曰史臣或稱某史贊以別之
一史家音注如司馬貞之於史記顏師古之於漢
書胡三省之於資治通鑑並稱詳贍今於奧義
奇文間採諸家之說為之箋釋至如賀善之贊
尹起莘之發明以及周禮張時泰等所述皆摭
拾空談文無義淺並加刊削以省繁文
一杜預解左傳及胡三省解通鑑多有注某事始
此某人始此等例今於事之有關係者並倣其
例酌加標注以便檢尋

欽定四庫全書

御批歷代通鑑輯覽

凡例

御批歷代通鑑輯覽告成進

呈表

大學士公臣傅恒等奉

勅編纂

御批歷代通鑑輯覽告成謹奉

表上

進者臣恒等誠惶誠恐稽首頓首

上言欽惟我

欽定四庫全書

御批歷代通鑑輯覽

皇上

法古綏猷

右文成化

稽帝堯而稽帝舜考禮樂以等百世之王

監有夏而監有殷秉權衡以定一中之統刊歷代廿

二家之史文訂差訛紀勝國三百載之書編沿正

續廣修明於舊典取鑑無遺闡義例於微言折衷

有待惟

作者之謂聖體則史而義則經洵

煥乎其有文指以千而言以萬成編既定

至教斯垂原夫在昔有邦若時稽古因文見義用布訓

於丹青比事屬辭咸取裁於筆削蓋史使其記必

明取舍之宜而鑑監於前實具是非之迹至編年

以定體尤提要而徵文涑水之表歲系時哀輯實

原於漢紀紫陽之列綱分目指歸悉本於魯書洎

疏嬗夫元明亦間沿為著述然而年艾益部不同

欽定四庫全書

御批歷代通鑑輯覽

二

習氏之存劉系黜房陵莫問昭公之在晉合書地

書人以表例衲鑿恒多繫歲陽歲陰以表名盾矛

不免雖糾唐有作文人之習相沿而譏鄙無庸史

法之傳漸失乃在前明中葉復有纂要一書畧具

規模倍多路駁魯魚錯見沿故牘之乖謬臧否失

宜任詹言之蕪漏當發函於

幾暇欲訂毫釐因付館以編摩載陳圭臬纂排數載會

萃羣書授青簡而

聲錫嘉名

御丹毫而時抒精義溯自分編以論次逮茲削藁而觀

成凡條目之攸紛率

膚裁之悉稟

闡特標之論覺管窺蠡測而無由

垂剛定之文實壤薄流涓之莫助承素王而綴彛典說

明則道自可行仰

聖祖而紹前開按一則心無不合昭其經法大旨備而悉

欽定四庫全書

御批歷代通鑑輯覽

三

奉指南示以變通舊例繁而不皆從朔大用策而

小用牘若網在綱國為緯而年為經咸指諸掌審

是非而繩懸悉準具首尾而囊括無餘紀載之例

纂嚴宜事增而文省見聞之辭各異故遠畧而近

詳或分注以備言特書與附書並列或後經以終

義事本與事末兼該披月竄之與圖悉河判重源

之實考星經之次舍知躔同五緯之誣國語則遠

證金源按出之傳論始剖世牒則遠徵蒙古却特

之受姓咸稽以至正字審音三蒼並協旁及釋名
辨物五雅兼資凡質實而辨疑盡部居而州次譬
校譬於掃葉作述之義昭如掌體要於摯裘興替
之端備矣且夫正統偏安之辨尤屬人心天命所
關即良史未協於大公欽

宸斷獨衷於至是蓋自緹油失職恒緣諱飾為文迨至

光岳分區浸以詆謀成習名互稱夫島索徒相嘲
出聘之車號已貶於孫臣尚欲侈橫磨之劍總偏

欽定四庫全書

附錄代通編覽

私之曲徇致名義之都乖況如丙子識成宋祚隨

江潮並歌庚申史就元基與塞草同荒乃或續景

炎於南渡之餘更且攢至正於北遷之始皆妄加

其子奪遂盡悖乎公平惟

至聖之制義因心故定案必循名責實削紀年於閏位

凜乎大命之難堪改書寇於舊條截然內詞之莫

假實從古未發之義於此心適得所同屬勝朝改

玉之時當

聖代膺圖之會欣際

六龍乘御大一統已悉受周疆

特念五馬倉皇小朝廷尚僅留夏肆殉黃巾於冀北既
大書春月之三擅白版於江東遂并紀福王之一
運分甲乙存殘局而國號斯如事削閔滇溯遺封
而藩稱非偽是皆擴

天地為公之量履載同符因之冠

星雲有倬之章典謨並燦春秋之旨存居正奉正義以

欽定四庫全書

附錄代通編覽

無私帝王之事集大成勒成書於有永允矣無偏
而無黨粲然是訓而是行至

特筆之所垂統全書而咸貫劍南之冊未至肅皇不改

儲稱上都之號猶存懷卽難逃篡字循莽大夫之

例望石城而冷笑褚公冠周平章之名對高廟而

多慚狄相莫不約羣紛以炳義本

典訓以數言立綱常名教之大防極微顯婉彰而一致
信讀書之貴得間不啻引錐而畫沙審觀人之必

於微乃如鑄鼎以象物蓋揚王鈇以治萬世非

天子莫操其權而會民極以執兩端獨

聖人能見其大昔者蘭陵通史繁華徒侈千篇貞觀晉

書論斷祇存四贊咨忠臣而錄袁粲寧本親裁侈

盛事而補陳橋何闢正體從未有定書法則

軒鏡心懸著史評則

堯文手勒善者勸而惡者懼知哀鉞之非空言參於天

而驗於人在方策以明大道書成一百十六卷盡

欽定四庫全書

新刻四庫全書

六

善盡美而茂以加事紀四十五百年舉要舉凡而

得其當臣等學漸閱覽才謝淹通識故籍而有愧

五難論先民而粗聞十例時政記言起居記事願

依左右史之班伯恭知古君舉如今難參大小賢

之列屬操觚於虎觀濫廁分排承執簡於麟編幸

邀

鑒定惟子夏得其書矣詎能贊夫一詞若專陶見而知

之實叨榮於千載從此名山藏副定百家作史之

模更欣

秘殿刊成闕奕禩傳心之要臣等無任瞻

天仰

聖激切屏營之至謹奉

表恭

進以

聞

乾隆三十三年正月初十日大學士公臣傳恒

欽定四庫全書

新刻四庫全書

七

大學士臣尹繼善

大學士臣劉統勳

協辦大學士臣阿里來

協辦大學士臣劉綸

戶部尚書臣于敏中

刑部尚書臣舒赫德等謹

上表

監理

武英殿管理事務多羅履郡王臣永永城

經筵官武英殿管理事務戶部左侍郎總管內務府大臣臣英廉

武英殿管理事務正紅旗漢軍副都統臣和爾經額

校刊

經筵講官武英殿總裁禮部尚書臣王際華

經筵員外郎總管武英殿事務翰林院掌院學士臣覺羅泰寬

監造

欽定四庫全書

御批歷代通鑑輯覽

內務府管理六庫事務郎中加十級紀錄五次臣六十九

內務府營造司郎中加一級紀錄七次臣誠意

南苑員外郎兼佐領臣劉淳

武備院主事加一級紀錄七次臣永善

內管領臣扎欽

副管領臣六格

監造加三臣吉蘭泰

監造加三臣文殊保

庫

庫

掌臣六達塞

掌臣伊靈阿

校對

日講起居注官武英殿提調左春坊左贊善臣彭紹觀

武英殿提調翰林院編修臣陳淦

翰林院修撰臣張書勳

翰林院編修臣姚頤

翰林院編修臣陸費墀

欽定四庫全書

御批歷代通鑑輯覽

翰林院編修臣陳昌圖

翰林院編修臣陳桂森

翰林院編修臣黃良棟

翰林院編修臣徐天柱

翰林院編修臣秦泉

翰林院編修臣劉錫嘏

翰林院編修臣楊壽楠

翰林院檢討臣張運暉